

清光緒朝中日交涉史料

卷七九之卷八十

光緒卅年東事收電檔

清光緒朝中日交涉史料卷七九 東事收電檔

(六三一八) 收路透電

七月初一日
西八月十一號

俄將司托塞拉報告云日軍於西月二十七號在前面一帶地方與我軍接戰至是晚八鐘
敵軍各處均被擊退是役敵軍負損傷甚重此次來攻我軍之敵軍有七萬之衆柏林接到
士京來電謂士國政府現已允准義勇隊輪船穿過達爾丹迺拉司俄京曾有數人染患霍
亂亦有人患瘧症者人民因此甚覺驚慌

(六三一九) 收北洋大臣致軍機處外務部電

七月初一日

據朝陽楊鎮玉書等電據東荒哨弁報稱二十六至彰武面見周令士藻云探悉俄馬隊三
百步隊一百帶礮十二尊於六月十四五等日出法庫門由康平縣北新邱平頂山各處十
九至開原所屬葉茂台地方搶去練會耿營槍械千餘杆風聞有來彰武之說嗣經探查在
業茂台住兩日即由該處仍回法庫門現在康彰兩縣尙無俄兵云謹轉達世凱東

(六三二〇) 收北洋大臣致軍機處外務部電

七月初一日

頃接薩鎮東電稱俄滅雷艇一號今早四點裝搭客九人到願泊此不挂俄旗現擬辦卸其軍器並機器要件以泊芝島俾免大風之險該艇官兵共五十七人云當覆以果係敗逃應收械管束如購辦必需卽勒限驅出查照中立條規辦理等語謹轉達世凱東

(六三二一)收北洋大臣致外務部電 七月初二日

據關外鐵路局報稱六月廿七午刻由旅順逃出俄人九名乘海船至錦境高橋搭火車赴新民府路經錦州經本路查車洋員搜出五嚮快槍六杆槍子七百餘粒一併扣留俄人放走云查錦州一帶戰國尙未認爲局外未便拘留俄人旣經放走只可聽之世凱冬

(六三二二)收北洋大臣致軍機處外務部電 七月初二日

據新民府站長電稱昨有日兵三十餘名帶華人三百餘大礮若干由彰武台門來駐紮遼河西巨流河距車站廿里是晚放礮兩響俄兵約千人並未回礮退紮高麗屯長山子等處云謹轉達世凱東

(六三二三)收北洋大臣致軍機處外務部電 七月初二日

續接薩鎮先電稱東電遵悉俄將稱機器壞不能修惟泊此爲上策現已將快礮並雷礮門卸存海圻戰雷頭存礮台員弁兵均簽名願不再干戰事薄暮日本雷艇二號到港已告俄艇辦法據云不久即開云又連接冬電稱今早三鐘日人登俄艇擊傷數人劫之去海容杉板救回官兵二十一人云云日人此舉甚無禮已飭該鎮會同何道查明詳細情形迅復俟到再請大部照詰日使世凱冬

(六三二四)收北洋大臣致軍機處外務部電 七月初二日

續據煙台何道電稱本日黎明瞭見海口泊一俄魚雷船探悉譯名累西迭盧訥准俄領函稱機器損傷不能行駛暫泊口內決不干涉戰事卽復以應按公法於廿四點鐘內開行等語去後當請薩鎮查詰薩鎮復稱頃派海容管駕往詢據答由旅順來願避口內不挂俄旗並將機器軍火儘三點鐘內卸交海容現正督飭撤卸搭客九人已登岸內有一貴婦該船弁兵五十七人亦擬登岸願具供狀聲明回國不再預戰事空船交我海軍看管顯係避敵俄領所言乃飾詞薩鎮當卽函詢日領俟得復再與飭道協商妥辦統乞鈞示祇遵並乞電

外務部云該道所擬辦法尙妥已覆飭照辦世凱東

(六三二五)收直督致軍機處外務部電 七月初二日

據新民府增守韁電稱初一晨日人帶匪隊三百餘人將府東南俄造通瀋浮橋用炸雷轟斷彼此槍礮互施戰經一時斃俄探四名日隊現駐河西高台子程家屯一帶云謹轉達世凱冬

(六三二六)收直隸提督致外務部電 七月初二日

頃據錦州探稱今晨新民府境日軍十餘人帶招募鬍隊三百餘在巨流河東南將渡口浮橋用礮轟斷與俄隊攻擊斃俄四名後分隊至河域台住程家屯一帶謹此密陳崑叩冬

(六三二七)收路透電

七月初二日
西八月十一二號

路透烟台代理人云於西八月十一號有俄國滅魚雷艇一艘駛入該口據該艇中人稱昨晨俄戰鬥艦六艘巡洋艦四艘魚雷艇半隊已由旅順逃出該滅魚雷艇於昨晚駛離載有

搭客五人據云現日本艦隊正在尾追想在大海中必有一場惡戰也守備魏托因與特國交戰時殺斃未執軍器之特國人定爲永遠監禁之罪現已釋放矣提督庫羅巴特金之西八月九號各文件中云東南兩處情形並未變更

(六三二八)收北洋大臣致軍機處外務部電 七月 初三日

日軍前運攻旅順器具巨礮船隻被海參威三俄艦擊沉日復另造故久候近始進攻已距旅鴨十餘里破可及俄船二十九早俄船十數隻衝出思逃日軍截擊有仍回旅者有逃往大洋者日艦分投追攻來烟之艇卽逃者之一大約旅順不久可拔世凱肅冬

(六三二九)收直督致軍機處外務部電 七月 初三日

據奉探電稱二十五至二十七日俄北來馬步隊四千四百餘名南去南來步砲隊八百餘名受傷兵三千四百餘名去北廿五日俄由遼退回步隊一千七百名於廿七開赴東南防守其城外渾河東南六村屯田禾爲俄割盡現附近省城一帶土匪蠢動距城十餘里之三塊石頭匪嘯聚二百餘人營務處派兵往剿被拒退回計傷官兵一人遼探稱俄由東路送

來受傷兵七十餘名官四十三員二十六俄日探兵在太子河南接仗俄傷二人云謹轉達
世凱冬

(六三三〇)收盛京將軍奉天府尹致軍機處外務部電 七月初三日

廿九與柏蘭蓀晤談無別事惟接廓米薩爾照會稱各營前給憑照均已過期嗣後如遇俄
隊此照既經作廢并將軍械收去等語刻下盜匪紛起大股有集至數百人現與磋商換給
憑據未知肯否增祺廷杰先

(六三三一)收盛京將軍奉天府尹致軍機處外務部電 七月初三日
頃據蓋平縣稟日軍到後甚有紀律人心尙安現勸諭百姓補種晚田惟食糧甚缺飭商由
錦購糧運往以資接濟辦法尙妥第稱縣南有大股盜匪數百人稱係日招忠義軍曾詢之
日員據云無論何人彼旣搶奪儘可拏辦惟該縣兵力甚單寡不敵衆請撥兵往勦等語由
省至蓋中隔戰場撥隊實屬不易而坐視閭閻被擾亦屬非是若由西路錦州一帶調隊前
往未識日員能否見允此間無從與日員商議能否由尊處商諸日使請示又俄隊近在省

城南門外駐紮甚多今又屢向城內來隊勒騰房間未識其意騰增祺廷杰東

(六三三二)收路透電

七月初十三日
西八月十三號

瀾侯在上議院宣言云迺特考滿得爾船被毀之事其捕物法院辦法本爵以爲不合公理且其辦法於我英商務大有損害查該船被毀一事斷非我英意料所能及者然兩政府旣實有意求一公允辦法了結此事本爵亦無不樂從也况俄政府答我派辦此事之代表人員亦云毀壞局外捕物之事不致再遇惟究應如何了結之處本爵未便宣示也俄京路透代理人云現已派大員查看義勇艦隊所爲情形究與公法有無悖逆之處俄將庫羅奇營中路透訪事人於本月十一號來電云俄軍現在遼陽前面極力設防已有開戰之象矣

(六三三三)收山東巡撫致外務部電

七月初三日

兩接烟台何道電俄雷艇一艘避至烟台已卸器械允回國不與戰事是遵局外例也乃昨忽來日雷艇兩艘竟將俄艇槍擊傷弁兵數人餘落水將俄艇拖去是日艇停公法也若將局外地作戰場恐礙大局各國亦有煩言請鈞署詰問日使查辦再昨據青島來電有俄兵

船二雷艇一到青聞由旅順來併聞馥冬

(六三三四)收東海關道致外務部電 七月初三日

日軍報二十九日晨俄艦隊全駛出口與日艦隊大戰至暮止日引雷隊夜又往攻昇稟初二日

九時(六三三五)收北洋大臣致外務部電 七月初四日

頃接薩鎮何道詳電稱奉冬電遵悉七月初一早四點十五分鐘俄雷艇一艘駛入煙臺職
鎮於四點四十分卽派海容曾幫帶登艇查悉係二十九晚七點由旅順出口中途機器損
壞只能緩行來煙裝搭客九人內女眷一人船上員兵共四十七人詢其何故來煙據云機
器損壞趕來修理修竣卽行其所壞之件嗣查煙地無從給換該艇管帶願將船上砲械魚
雷機器各要件拆卸並簽名具結不再干預戰事不挂俄旗下午四點派海容程管帶過船
督率照辦五點十分收械事竣七點至七點半鐘簽具結狀並願泊西澳以免風颶之險又
派海容杉板徹夜照顧至七點二十分日雷艇二艘進口泊近俄艇薩鎮於八點親到日艇

告以俄艇軍械業經拆卸等語日管帶云日艇須臾卽當開去不意初二早三點半鐘日艇派杉板載三十餘人登俄艇海容看守官阻之不聽登艇後卽向俄管帶云若戰卽開出口外若不戰卽降俄管帶答以軍械已拆卸矣不能復戰且已簽名願不再干預戰事何有於降遂相齟齬繼開手槍擊傷俄管帶相搏落水員勇繼之經海容杉板先後救回共二十五人安置海容船治傷俄艇卽於四點二十分被日艇拖去職鎮卽升通語旗令其停輪其拖俄艇者仍直行不停其一停輪海圻大副過船告以該俄艇軍械已經拆卸不應拖去日管帶答云茲當趕告前船將俄艇拖回等語不料一去不返云查俄艇逃入中立口岸該員兵繳械具結受我管束係遵公法辦理我之海軍官員亦按公法施行乃日艇業經薩鎮一再告明俄船繳械具結該艇管帶亦允須臾開去竟乘夜刦去俄艇並槍擊無械之俄人又不聽中立國官員攔阻不但大違公法且亦不守戰規除將攔阻不力之官員查明另案奏參外應請大部照會日使查飭該日艇迅將俄艇釋回仍交煙臺地方官看管並將違犯中立之日管帶按律懲治以昭文明而敦邦交世凱謹肅支

江電祇悉日艇夜劫俄艇一案業經另電詳達日艇入口經薩鎮告明辦法伊許須臾卽去乃乘夜突劫不聽攔阻實出意外且按中國軍規情形亦未便擅用砲擊然如不奏參華員又恐無以謝俄擬查明在事各員按教案防範不力成例奏請交議自留地步但烟旅相望倘嗣後再有此項情形應否飭船員照公法開砲擊阻之處祈裁示世凱肅支二

(六三三七)收北洋大臣致外務部電 七月四日
江電祇悉日勝方驕勢難理喻旣云暫停惟有稍待月餘再催詢之仍祈鈞裁世凱支一再

(六三三八)收盛京將軍奉天府尹致軍機處外務部電 七月四日
據新民府稟初一日天明時巨流河城東南有日軍千餘帶招撫隊三百餘名將渡口俄造浮橋炸斷開放槍礮與俄互擊斃俄探四名帶隊分佈河西高台子程家屯一帶現仍四出偵探等情後有戰狀再當隨時電聞增祺廷杰江

(六三三九)收路透電

七月初四日
西八月十三號

俄皇后產生一子近聞德國將迫令未受傷之船隻均於二十四點鐘內駛離青島駐俄京之路透訪事人云日本巡洋艦喀蘇格係於上次海軍大戰時被沉華盛頓城內均以賴齊泰魯尼（譯音）一事日本之所爲實屬有違局外中立之例想美政府必力爲調停以防此事有礙各國所訂關係中國之約章駐俄京之路透訪事人電云賴齊泰魯尼破日本拿獲一事俄國力斥其非茲聞北京內俄國於此事頗得德法之助俄皇現已明降諭旨將皇后產生皇子一事布告通國並諭令臣民全爲皇子祈福

（六三四〇）收北洋大臣致軍機處外務部電 七月初五日

日使電開本日早俄三艦由海參威赴日之對馬島與日海軍相遇接仗兩時餘俄艦沈一逃二日艦亦有損傷云謹轉達世凱肅支

（六三四一）收北洋大臣致外務部電 七月初四日

支兩電想達查公法內載戰國不得在中立國領海攻擊緝捕敵國船艦等語卽如西歷一千八百一年英瑞之戰英軍艦於丹屬哪喊領海內捕擊瑞典軍艦後英相霍克斯布利向

丹國謝侵犯中立之罪又一千八百五年英法之戰英巡洋艦於美國米西西北河口捕擊
法國商船名安那者後歸法衙審斷釋還原主又一千八百六十四年美國南北戰爭北邦
軍艦名瓦奇斯特者於巴西國巴比亞港內捕拿南邦軍艦名弗羅利達者後美政府向巴
西國謝侵犯中立之罪謹查錄成例呈請備核世凱肅支三

(六三四二)收北洋大臣致軍機處外務部電 七月初五日

據奉探電稱廿八日俄北來步隊一千餘名南去南來受傷兵六百餘名俄人百餘名北去
又瀋陽道勝銀行及俄各商店現均收拾北運東路探稱十九二十兩日俄日在遼陽東四
十餘里之黎庇略唐家堡等處接仗俄傷亡五百餘人現劉二堡已見日軍駐遼俄兵張皇
殊甚云謹轉達世凱歌

(六三四三)收南洋大臣致外務部電 七月初五日

初二有俄雷艇一兵艦一至滬當電滬道照中立例限時出口嗣聞有俄艦逃至煙台被日
船拖至口外將人擊死船奪去之說恐來滬俄艦亦係逃避而來彼既爲避難當不敢復出

敗軍艦逃入中立國求庇公法應保護第須去其武装不能再行出戰復電滬道速商俄領能出口卽限時令出不能出口卽速照滿洲船辦法一面密防日艦違犯中立今又據報俄又有一艦泊淞口並聞尙有兩艦在大沽洋面怡和代日本往來公司船已停開蓋防爲俄艦所毀俄艦似此紛來於日商船不利日艦必蹤跡而至萬一在中國境內開戰或追奪俄艦皆犯我中立我不預爲設法防阻俄必向我有詞除再飛電滬道速商俄領外務乞鈞處迅賜商俄使如至滬各艦能出口則依限時速去不能出口卽照滿洲船辦法速電俄領遵照一面並告知日使我已照例商辦令日艦毋犯中立爲要仍求電復再聞俄有兩艦逃至青島德有尤其保護之議并聞叢支

並曰（六三四四）收山東巡撫致外務部電 七月初五日

接青島電局江電昨到之俄兵船二艘魚雷艇一艘夜間開去兵船一艘今晨又到俄魚雷兩艘俄提督已陣亡奔來之兵船以及魚雷等船聞膠督限二十四點鐘退出否則仿照申章將船破拆卸云又接文登羅丞忠銘電日攻旅順急破至俄輪俄海軍四散快船二獵艦一奔青島又獵艦二號一奔煙台被獲一中途沉沒兵逃上威海英輪云叢支

(五三四五)收上海道致外務部電 七月初五日

奉江電敬悉遵查俄艦來滬一事職道初二日接吳淞探報祇雷艇進浦其兵艦尙泊淞立卽照中立例照會俄領轉致限令二十四點鐘出口初三晚接復謂該艦等修理損傷例得進口不能按二十四點鐘限制其時兵艦亦已來滬經職道探明確曾受傷惟雷艇無傷自應分別辦理受傷者候派員查明取具船廠估工的期出口未受傷者已逾廿四點鐘卽立刻駛出否則收取礮位軍火切實駁復一面函致稅司派員查驗並嚴禁採運軍火及作爲戰爭等事今晨走謁俄領未晤往拜日領小田切適患病見其副領告知辦法渠先不允其修職道謂不修不能出口遂允分別受傷在水面下船殼及機器者准修其艙面上凡關於戰用者不得修商之領袖意見相同惟雷艇無傷日領謂與曼佐駐泊在先者不同總須令其出口如祇收軍火代爲保護不甚愜意除再函致稅司將船驗明仍分別傷損所在限期修竣出口俟復到另呈外謹聞再正發票間據萬繙譯稟晤俄領謂雷艇機器鍋爐亦有損壞必須修理似可照職道現定辦法擇要修竣出口另有照復等語頃又聞俄艦尙有數艘在大切山口內是否進口自當隨時相機按例妥辦請釋憲屢助支

(六三四六)收駐法孫大臣外致務部電 七月初五日

煙台俄船被擱詳情及如何辦法乞示俾釋羣疑琦江

(六三四七)收北洋大臣致外務部電 七月初六日

微電敬悉遵卽轉飭薩鎮何道遵照世凱魚

(六三四八)收路透電 七月初六日

俄外部大臣已照會法政府請其轉飭駐東京之法使將賴齊泰魯尼船被擊一事代俄辯
爭蓋以此事實有損於中國局外中立之例再駐北京之俄使亦曾奉有訓條特告中國政
府此等事若不禁止則將來之所關甚大海參歲艦隊在高麗海峽與日本艦隊相遇露爾
里克船被沉兩巡船一名露思鴉一名高毛比者均向北逃去提督東鄉所統之海軍並未
受大傷損密喀色船受傷最重惟尙足塵戰統計受傷者一百九十六名顧爾克哈船在薩
格來思地方被俄巡船之名德恩者阻留半點鐘之久

(六三四九)收南洋大臣致外務部電 七月初六日

據滬道電據探報俄雷艇進浦兵艦泊淞立卽照中立例照會俄領限廿四點出口初三接復謂該艦等修理損傷例得進口不能按廿四點限時兵艦亦進口探明確受傷惟雷艇無傷應分別辦理受傷者派員查明取具船廠估工的期出口未受傷者逾廿四點立刻駛出否則取礮位軍火切實駁復一面函稅司派員查驗並嚴禁採運軍火及作爲戰爭等事走謁俄領未晤日領適患病見副領告知辦法先不允修答以不修不能出口遂允受傷在水面下船殼及機器者准修其艙面上關乎戰用者不得修商領袖意相同惟雷艇無傷日領謂與滿洲駐泊在先者不同總須令其出口如祇收軍火代爲保護不甚愜意嗣由繙譯晤俄領謂雷艇機器鍋爐亦有損傷必須修理似可照現定辦法擇要修竣出口頃又聞俄艦尙有數艘在大戢山口內是否進口自當隨時相機按例妥辦云俄艦艇旣爲修理進口按照中立例應俟事畢卽行出口現滬道與日領商定修理辦法商妥除電令速商稅司分別委勘明確照議辦理併請鈞處商俄使飭俄領照辦仍俟修竣出口毋違例稽留再照公法戰國師船如戰敗入局外海口求庇例得容留收繳軍火不任出而復戰今日領謂與滿洲